

Peqqissutsimut Pisortaqarfik • Direktoratet for Sundhed  
Postboks 1160 • 3900 Nuuk • Oq/tel +299 34 50 00 • Fax +299 32 55 05  
[peqqip@gh.gl](mailto:peqqip@gh.gl) • [www.nanoq.gl/peqqik](http://www.nanoq.gl/peqqik)



## **Kalaallit Nunaanni**

# **Imigassaq ikiaroorartullu pillugit Siunnersuisoqatigiit**

## **Ukiumoortumik nalunaarut 2006**

## **1. Aallaqqaasiut**

Kalaallit Nunaanni Imigassaq ikiaroonartullu pillugit Siunnersuisartoqatigiit imigassanik aalakoornartortalinnik nioqquteqartarnek sassaallertarnerlu pillugu Inatsisartut inatsisaat nr. 11, 11. november 2000-imeersumi § 15 naapertorlugu pilersinneqarput. Siunnersuisoqatigiinnut suliakkiussamut najoqqutassiaq naapertorlugu imigassamut aamma ikiaroonartutigut pissutsitigut ineriartorneq pillugu Naalackersuisunut ukiumoortumik nalunaarusiortussaavoq, aamma imigassamik aamma/imaluunniit ikiaroonartunik atuinerup (atornerluinerup) pitsaaliorneqarnissaanut appartinneqarnissaanulluunniit kaammattuuteqartussaavoq kiisalu suliniutissanut siunnersuuteqartussaalluni.

## **2. Imigassaq ikiaroonartullu pillugit Siunnersuisoqatigiinnut Suliakkiussamut najoqqutassiaq aamma suleriaasissaq.**

Siunnersuisoqatigiit suliassaannik, ingerlanissaq katitigaanerannillu allaaserinnittoq suliakkiussamut najoqqutassiaq 11. maj 2004-mi Imigassaq ikiaroonartullu pillugit Siunnersuisartoqatigiinnit akuerineqarpoq. Suleriaasissaq siunnersuisoqatigiinnit 19. november 2003-mi akuerineqarpoq.

## **3. Imigassaq Ikiaroonartullu pillugit Siunnersuisoqatigiit katitigaanerat/ilaasortat, 2006-imi**

2006-ip naanerani Siunnersuisoqatigiit makkuninnga ilaasorta qarpoq.

- KANUKOKA-mit aallartitaq, Pitsaaliuinnermut siunnersorti Line Dalentoft, siulittaasuugallartoq – martsip naanerani 2006-imi tunuartoq – siulittaasumik nutaamik sulit toqqaasoqanngilaq.
- KANUKOKA-mit aallartitaq, Pitsaaliuinnermut siunnersorti Anise Svane Johansen, juli 2006-imiit.
- Kalaallit Nunaanni Politimesteri, v/ Vicepolitimesteri Bjørn Tegner Bay
- Peqqinnissamut Nakkutilliisoqarfik, peqqissaasoq Turid Skifte
- Peqqissutsimut Pisortaqarfik, nakorsat suliaat pillugit siunnersorti nakorsaaneq Adé Ojeniyi
- Ilaqutariinnermut Pisortaqarfik, siunnersorti Karen D. Jensen, Andu S. Olsenimut paarlattaasoq.
- Kalaallit Nunaanni Timersortartut Kattuffiat, pisortaq Jens Brinch – peqataanikuunngilaq.
- Meeqqat inuusuttullu sinnerlugit aallartitaq – MIPI-mi aqutsisoq Nina Banerjee
- Meeqqat inuusuttullu sinnerlugit aallartitaq – v. psykolog Inuk Bourup-Nielsen

□ KIIP – peqataanikuunngilaq

2005-imi pissutsit allanngorartut 2006-imi ingerlaqqiinnarput, taarseraattoqarnera orniguttannginnerillu kingunerisimavaat marts 2006-imili Siunnersuisoqatigiinni siulittaasumik toqqaasoqarsinnaasimanani, kiisalu ”taamaallaat” marts 2006-imi ataasiarluni ataatsimiittoqarluni.

Imigassaq Ikiaroorartullu pillugit Siunnersuisartoqatigiit taamaalillutik sulii KIIP-imiit aallartitassamik amigaateqarput. Siunnersuisoqatigiit januar 2007-mi inissiternissartik naatsorsuutigaat.

Imigassaq Ikiaroorartullu pillugit Siunnersuisartoqatigiinni allatsi Poul Petersen maj 2006-imi tunuarpoq Berti Bourup imillu taarserneqarluni.

**4. 2006-imi siunnersuisoqatigiit ataatsimiittarnerisa misissorneraqarnera immikkoortullu oqallisigineqartut allaaserineqarneri.**

Siunnersuisoqatigiit martsip 27.-iani 2006-imi ataatsimiipput – pilersaarutaasumik 6. december 2006-imi ataatsimiinnissaq piffissaq kingullerpaaq atorlugu unitsinneqarmat, timmisartup unitsinneqarnera takkuttussallu ikippallaarneri pissutigalugit.

Marts 2006-imi, Siunnersuisoqatigiit Peqqissutsimut Avatangiisinullu Naalakkersuisumik, Asii Chemnitz Narupimik, ataatsimeeqateqarput, tassani naalakkersuisoqatigiit isumaqatigiissutaannut tunngatillugu

politikikkut anguniakkat nassuiarneqarlutik. Pingaartumik Innuttaasut peqqissuunissaannik suliniut Inuuneritta, kisianni aamma persuttaasaneq atoqatigiinnikkullu innarliisarnerit. Naalackersuisoq isumaqarpoq Siunnersuisoqatigiit suli pingaaruteqartumik, ersarissumik pimoorussillutillu inissisimassasut, pisortani oqartussat akornanni attaveqarnerit annertunerulernissaat pitsaanerusumillu isigilernissaat ilanngullugit.

Aammattaaq Naalackersuisup Minnesota atorlugu katsorsaariaatsip aamma katsorsaasartut katsorsaariaatsillu allat atornerqarneri pillugit siunnersuuteqartoqarnissaa oqallittoqarnissaalu kissaatigivaa, ilaatigut inuusuttut atornerluineri tassungalu tunngatillugu katsorsaanissamut neqeroorutit isiginiarneqassallutik.

Pingaartumik pinaveersaartitsineq ataatsimut isigalugit nakkutiginnissaat, kisiannili pingaartumik imerniartarfinni inuusuttunullu 18-it inorlugit ukiulinnut tuniniaasarnerit sassaallertarnerillu pillugit Siunnersuisoqatigiinni ilaasortat akornanni imigassanik aalakoornartortalinnik nioqquteqarsinnaanermut/sassaallersinnaanermut akuer-sissummik piginnittunut isiginiarneqarnerulerput – taakkulu oqaloqatigineqarusullutik.

Siunnersuisoqatigiinnit oqaatigineqarpoq Kalaallit Nunaanni imigassaq, naamaartarneq ikiaroorartumillu atornerluineq annertunerusumik isiginiarneqarnissaat suli pisariaqartoq.

Siunnersuisoqatigiit ingerlatsinerminni naartunerup nalaani imigassartortarnerup kingunerisaanik meeqqat nappaateqartut aalajangiiffigineqartut – imigassamik

ajouserneqarsimasut katsorsarneqarnerinut tunngatillugu atukkanik erseqqissaasussamik meeqqanut nakorsamik qaaqqusiniarput. Taamatut ajoqusernerit ilaatigut kingunerisarpaat siusissukkut puigutusineq.

Siunnersuisoqatigiit suliffeqarfinni imigassaq pillugu politikeqarnissamut suliniutit aallartinneqareersimasut ineriartorteqqinnissaat suli malittariniarpaat. Tassani KANUKOKA-p suliameq qataaqqissaa kissaatigineqarpoq.

Decemberip arfernani ataatsimiinnermi, ilisimatitsinertut ingerlanneqartumi, Inuuneritta pillugu killiffik ilisimatitsisutigineqarpoq kiisalu 2001-2005-imut imigassamik aalakoornartortalimmik atuinerup kisitsisitigut paasissutissat taamatullu Kangerlussuarmi august 2006-imi Nunat Avannarliit Aanngajaarniutit pillugit isumasioqatigiinneranni saqqummiussanik ilisimatitsisoqarluni.

Aammattaaq suleriaasissaq pillugu nutarterinissamut siunnersuutit assigiinngitsut marluk tunniunneqarput, Siunnersuisoqatigiit inissisimanerannik/suleriaasissaannik minnerunngitsumillu siulittaasup inissisimaneramik erseqqissaanissaq siunertaralugu Siunnersuisoqatigiinnit misissorneqartussat.

Berti Bourup

Siunnersuisoqatigiinni allatsi